



Broj: 10-33 2-273-6/12
Sarajevo, 13.08.2013. godine

Na osnovu člana 3. stav (1) i člana 140. stav (5) Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09 i 74/10"), a u skladu sa članovima 2., 20., 21., 22., 23., 24., 25., 26., i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010. godine, a u cilju odabira kandidata za školovanje na Vojnim akademijama u inostranstvu, Ministarstvo odbrane BiH raspisuje,

I N T E R N I K O N K U R S
za školovanje kadeta na Vojnoj akademiji Oružanih snaga Republike Makedonije za
školsku 2013/2014 godinu

I – Ministarstvo odbrane Bosne i Hercegovine, raspisuje interni konkurs za školovanje jednog kadeta na Vojnoj akademiji OS Makedonije za školsku 2013/2014 godinu.

II – Školovanje na navedenoj Vojnoj akademiji traje četiri godine sa početkom školovanja 15.09.2013. godine (uključujući učenje makedonskog jezika od 01.09.2013. godine).

Sa kandidatima koji budu odabrani za školovanje bit će raskinut Ugovor o profesionalnoj vojnoj službi, a bit će sklopljen ugovor o školovanju sa međusobnim pravima i obavezama u skladu sa važećim propisima. Odabrani kandidati imat će svojstvo kadeta, čija prava i obaveze će biti regulisane u skladu sa članovima 73., 142. i 143. Zakona o službi u Oružanim snagama BiH. Po završetku školovanja polaznici će biti proizvedeni u početni čin oficira OS BiH i primljeni u vojnu službu OS BiH u kategoriji oficira.

III – USLOVI KONKURSA

1. Opšti uslovi su propisani članom 9 Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09 i 74/10"):

- a) da je državljanin Bosne i Hercegovine,
- b) da je zdravstveno sposoban za službu u Oružanim snagama,
- c) da nije osuđivan na безусловnu kaznu zatvora u trajanju dužem od šest mjeseci,
- d) da nije prethodno otpušten iz državne službe ili pravnog lica, zbog povrede službene dužnosti u poslednje tri godine,
- e) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
- f) da se protiv njega ne vodi krivični postupak za krivično djelo za koje se goni po službenoj dužnosti,
- g) da ima odgovarajuću stručnu spremu potrebnu za obavljanje određene dužnosti,
- h) da nije mlađi od 18 godina ni stariji od 21 godina na dan početka konkursa.

Napomena: Ispunjavanje opštih uslova utvrdit će komisija uvidom u personalni dosije lica koja se prijavljuju, osim uslova iz tačke (f).

2. Posebni uslovi:

- a) dokaz o stečenoj srednjoj stručnoj spremi (original ili ovjerena fotokopija diplome),
- c) **Zdravstveni uslovi:**
 - na konkurs se ne mogu prijaviti kandidati koji boluju od asme, oboljenja pluća ili srca, te sa povredama kičme ili zglobova,
 - minimalna visina 155 cm, a težina 50 kg i indeks tjelesne mase (MBI- težina podjeljena sa visinom na kvadrat), između 18 i 28 za muškarce, odnosno 18 i 27 za žene.
- d) **Fizička spremnost:**
 - kandidati moraju imati dobru fizičku spremnost, te biti sposobni za nošenje tereta (opreme i rusaka),
 - fizičku spremnost provjeriti kroz sledeće discipline: trčanje 1600 metara za 8 minuta za muškarce, odnosno 800 metara za 6 minuta za žene, 25 trbušnjaka za 2 minute i za muškarce i za žene, skok u dalj iz mjesta (santimetri) 180 za muškarce, odnosno 120 za žene, vratilo (zadržavanje 3 sekunde).
- e) dobro poznavanje rada na računaru (Word, Excel, Power Point, Internet).

Napomena: Ispunjavanje posebnih uslova iz tačke a) i e), utvrdit će se na osnovu dostavljenih dokumenata i provjere znanja. Provjeru fizičkih sposobnosti prijavljenih kandidata iz tačke d) i poznavanje rada na računaru iz tačke e), utvrdit će Zajednički štab OS BiH. Zdravstveni uslovi pod tačkom c) odabrani kandidata, bit će utvrđeni upućivanjem na ljekarski pregled.

IV PRIJAVA NA INTERNI KONKURS

Prijava na konkurs se dostavlja preko Zajedničkog štaba OS BiH uz dostavu tražene dokumentacije. Ispunjavanje opštih uslova utvrdit će se uvidom u personalni dosije lica koja se prijavljuju. Prijave na konkurs potencijalnih kandidata uz traženu dokumentaciju, Zajednički štab OS BiH dostavit će Sektoru za upravljanje personalom MO BiH.

Konkurs ostaje otvoren 8 dana od dana objavljivanja. Nepotpune i neblagovremene prijave neće biti uzete u razmatranje.

MINISTAR

Zekerijah Osmić, dipl. oec.